

Schrift sol zengnis geben/als die allein vmb
seinen willen gegeben ist. Aus dem Newen
Testament hab ich dis mal nicht viel wollen
füren / Weil darinnen solchs alles klerlich
(darumb es die Jüden auch nicht annemen)
vberzeuget ist/nu bey 1500 jaren / vnd son-
derlich im Euangelio Johannis / da schier
vber das ander wort (wie man spricht) Jhes-
sus wird Gott vnd Mensch in einer person ge-
predigt/ Der selbe Johannes/sampt andern
Aposteln/Euangelisten/vnd viel tausent irer
Jünger / sind auch Jüden oder Israel vnd
Abrahams sammen gewesen/nach dem geblüt/
so wol vnd viel reiner vnd gewisser/ denn die-
se itzige Jüden/oder Israel sind / Die Nie-
mand weis/Wer sie sind/ oder woher sie kom-
men.

Wollen wir nu den Jüden/ oder Israel
glauben/ So glauben wir billicher diesen Jü-
den vnd Israel/ welche nu bey 1500. jaren/
offentlich in aller Welt/durch jr Euangelion
die Kirchen regirt/Teuffel/Tod vnd Sünde
vberwunden/die Schrift der Propheten aus-
gelegt / jmer fur vnd fur durch ire Jünger
wunder gethan/haben/ Billicher sage ich/
glauben wir solchen rechten bekandten Jü-
den vnd Israeliten/ denn das wir solten glau-
ben/ den falschen vn bekandten Jüden oder
Israeliten / die diese 1500. jar/ kein wunder
gethan/